

en an depù...

pan pian el temp el pasa
corendo drè a la luna
che palida caluma
de drè a 'n Bondon sbiancà

e i albori 'ngremidi
l'è 'n slusegar de fiori
quanche i sò ragi pasi
' ghe ciuta fòr 'ntrà i rami

pò tut entorn che tase
sì fòrt che 'l par mbombì
e 'n sbrìgol cruo de vent
che dà careze al bosc

ma ti sès ancor chi
en an depù, vesina
arènt a mi 'nden bal
che ten soleo el cör

l'è na sonada dolcia
che ne mpasiona dent
l'è 'l me moment felize
se ti ses chi, sota 'sto ciel

la luna la capina
e gh'è 'n linzöl de stele
e mi te strengio fisa
col pèt che smaca fòrt

par dirte bòn Nadal
no sai parole növe
g'ò sol quel tamburèl
che 'l segna 'l tèmp con ti

Giuliano

Questo/a opera è pubblicata con una [Licenza Creative Commons](#)

